

世子方等帥眾討讐戰所敗死是月又遣鎮兵將軍鮑泉代討讐九月丁卯雍州刺史岳陽王譽舉兵反來寇江陵世祖嬰城拒守乙丑營將杜勣與其兄弟及楊混各率其眾來降景寅營遁走鮑泉攻湘州不克又遣左衛將軍王僧辯代將

太寶元年世祖猶稱太清四年正月辛亥朔左衛將軍王僧辯獲橘二十子共蒂以獻二月甲戌衡陽內史周弘直表言鳳皇見郡界夏五月

○ 天紀五

二

辛未王僧辯克湘州斬河東王譽湘州平六月江夏王大款山陽王大成宜都王大封自信安間道來奔九月辛酉以前郢州刺史南平王恪為中衛將軍尚書令開府儀同三司中撫軍將軍世子方諸為郢州刺史左衛將軍王僧辯為領軍將軍改封大款為臨川郡王大成為桂陽郡王大封為汝南郡王是月任約進寇西陽武昌遣左衛將軍徐文盛右衛將軍陰子春太子右衛率蕭慧正舊州刺史席文獻等下武昌

拒約以中衛將軍尚書公開府儀同三司南平
王恪爲荊州刺史鎮武陵十一月甲子南平王
恪侍中臨川王大款桂陽王大成散騎常侍江
安侯圓正侍中左衛將軍張綰司徒左長史曇
等府州國一千人奉牋曰竊以嵩岳旣峻山川
出雲大國有蕃申甫惟翰豈非皇建斯極以
位爲寶聖教辨方齊名與器是知大尉佐帝重
華表黃王之符司空土伯禹降玄珪之錫伏
惟明公大王殿下命世應期挺生將聖忠爲令

梁紀五

三

德孝實天經地切應韓寄深日奭五品斯訓七
政以齊志存社稷功濟屯險夷狄內侵枕戈泣
血鯨鯢未掃投袂勤王能使遊魂請盟以屈膝
醜徒銜璧而讐氣親蕃外叛釁均吳楚義討申
威兵不血刃湘波自息非築杜岐之壘峴山離
貳不伐劉表之城九江致梗二別殊瓜纒命戈
船底定瀟霍沂流窮討路絕窺窬胡兵侵界鐵
馬霧合神規獨運皆卽裒懸翻同翅折遂修職
貢梁漢合契肆犀利之兵巴漢俱下竭驍勇之

陣南通五嶺北出九原東夷不怨西戎即序可
謂上流千里持戟百萬天下之至貴四海之所推
也今海水飛雲崑山起燎魏文悲樂推之歲韓
宣歎成禮之日陽臺之下獨有冠蓋相趨夢水
之傍尚致車輿結轍旋交兩穗出於南平之邦
甘露泥枝降乎當陽之境野蠶自績何謝歐絲
閑田生稻寧殊雨粟莫非品物咸亨是稱文明
光大豈可微號不彰於彝典明試不陳乎車服
者哉昔晉鄭入周尚作卿士蕭曹佐漢且居相

國宜崇茲盛禮顯答羣望恪等稽尋申令博
詢博史謹再拜上進位相國總百揆竹使符一
別淮恒儀杖金斧以翦逆暴乘玉輅而定社稷
傍羅麗於日月貞明合乎天地扶危翼治豈不
休哉恪等不通大體自昧伏奏以聞世祖令答
曰數鍾陽九時惟百六鯨鯢未翦寤寐痛心周
粵天官秦稱相國東至千海西至于河南次朱
鷲北漸玄塞率茲小宰弘斯大德將何用繼蹤
曾草擬跡桓文終建一匡肅其五拜雖義屬隨

時事無虛紀傳稱皆讓象箸鳴謙瞻豆刑典
再懷哽恧十二月壬辰以定州刺史蕭勃為鎮
南將軍廣州刺史遣護軍將軍尹悅巴州刺史
王珣定州刺史杜多安帥眾下武昌助徐文盛
大寶二年世祖猶稱太清五年二月己亥魏遣
使來聘三月庚景悉兵西上會任約軍閏四月
景牛景遣其將宋子仙任約襲郢州執刺史蕭
方諸戊申徐文盛陰子春等奔歸王珣尹悅杜
多安並降賊庚戌領軍將軍王僧辯帥眾屯巴

陵甲子景進寇巴陵五月癸未世祖遣游擊將
軍胡僧祐信州刺史陸法和帥眾下援巴陵任
約敗景遂遁走以王僧辯為征東將軍開府儀
同三司尚書令胡僧祐為領軍將軍陸法和為
護軍將軍仍令僧辯率眾軍追景所至皆捷八
月甲辰僧辯下次益城辛亥以鎮南將軍湘州
刺史蕭方矩為中衛將軍司空征南將軍南平
王恪進號征南大將軍湘州刺史餘如故九月
己亥以征東將軍開府儀同三司尚書令王僧

辯爲江州刺史餘如故盤盤國獻馴象冬十月
辛丑朔有紫雲如車蓋臨江陵城是月太宗崩
侍中征東將軍開府儀同三司江州刺史尚書
令長寧縣侯王僧辯等表曰衆軍薄伐塗次九
水即日獲臨城縣使人報稱侯景殺逆皇帝賊
害太子宗室在寇庭者竝罹禍酷六軍慟哭三
辰改曜哀我皇極四海崩心我大梁纂堯構緒
基商啓祚太祖文皇帝徇齊作聖肇有六州高
祖武皇帝聰明神武奄龕天下依日月而和四

時履至尊而制六合麗正居貞大橫固祉四葉
相係三聖同基蠢爾凶渠遂憑天邑閭闔受白
登之辱象魏致堯城之疑雲屢承華一朝俱酷
金楨玉幹莫不同究悠悠彼蒼何其罔極臣聞
喪君有君春秋之茂典以德以長先王之通訓少
康則牧衆撫職祀夏所以配天平王則居正東
遷宗周所以卜世漢光以能捕不道故景歷重
昌中宗以不違羣議故江東可立儔今考古更
無二謀伏惟陛下至孝通幽英武靈斷當七九

之厄而應千載之期啓殷憂之明而居百王之
會取威定霸峻阻艱難建社治兵載循古道家
國之事一至於斯天祚大梁必將有主軒轅得姓
存者二人高祖五王代實居長乘屈完而陳諸
侯拜子武而服大輅功齊九有道濟生民非奉
聖明誰嗣下武臣聞日月貞明太陽不可以闕
照天地貞觀乾道不可以久惕黃屋左纛本爲
億兆而尊鸞輅龍章蓋以郊禋而貴寶器存乎
至重介石慎於易差黔首豈可少選無君宗祏

豈可一日無主伏願陛下掃地升中柴天改物
事迫凶危運鍾擾攘蓋不勞宗正奉詔博士擇
時南面即可居尊西向無所讓德四方旣知有
奉八百始可同期殘寇潛居器藏社與乾象旣
傾坤儀已覆斬莽輓車燒卓照市廓清函夏正
爲坐陵開雪宮闈庶存鍾鼎彼黍離離伊何可
言陛下繼明闡祚即宮舊楚左廟右社之制可
以權宜五禮六樂之容歲時取備金芝九莖瓊
茅三脊要衛率職尉候相望坐廟堂以朝四夷

登靈臺而望雲物禪梁甫而封泰山臨東濱而
禮日觀然後與三事大夫更謀都鄙左瀍右澗
夾雒可以為居抗殿䟽龍惟王可以在鎬何必
勤勤建業也哉臣等不勝控款之至謹拜表以
聞世祖奉諱大臨三日百官縞素乃答曰孤以
不德天降之災枕戈飲膽扣心泣血風樹之酷
萬始不追霜露之哀百憂總萃甫聞伯升之禍
彌切仲謀之悲若封豕既殲長蛇即戮方欲追
延陵之逸執繼子臧之高讓豈資秋亭之壇安

事繁陽之石炭景項籍也蕭棟殷辛也赤泉未
賞劉邦尚曰漢王白旗弗懸周發猶稱太子飛
龍之位孰謂可躋附鳳之徒既聞來議羣公卿
士其諭孤之志無忽司空南平王恪率宗室五
十餘人領軍將軍胡僧祐率羣僚二百餘人江
州別駕張佚率吏民三百餘人竝奉牋勸進世
祖固讓十一月乙亥王僧辯又奉表曰紫宸曠
位赤縣無主百靈奮動萬國回皇雖醉醒相扶
同歸景亳式哥且誦總赴唐郊猶懼陛下俛首

泯然讓德不嗣傳車在道方慎宋昌之謀法駕
已陳尚杜耿純之勸岳牧翹首天民累息臣聞
星回日薄擊雷鞭電者之謂天岳立川流吐霧
蒸雲者之謂地苞天地之混成洞陰陽之不測
而以裁成萬物者其在聖人乎故云天地之大
德曰生聖人之大寶曰位黃屋廟堂之下本非
獲已而居明鏡四衢之鋪蓋由應物取訓伏惟
陛下稽古文思英雄特達比以周旦則文王之
子方之放勛則帝摯之季千年旦暮可不在斯

三品

梁紀五

九

天錫

庭闕湮亡鍾鼎淪覆鬪膺景歷非陛下而誰豈
可使赤眉更立盆子隗囂託置高廟陛下方復
從容高讓用執謙光展其矯行偽書誣罔正朔
見機而作斷可識矣匪疑何卜無待著龜日者
公卿失馭禍纏霄極景憑陵茲臣互起率戎
伐顛無處不然勸明誅晉側足皆爾刀斗夜鳴
烽火相照中朝人士相顧銜悲涼州義徒東望
殞涕慄慄黔首將欲安歸陛下英略緯天沈明
內斷橫劔泣血枕戈嘗膽農山圯下之策金匱

玉鼎之謀莫不定筭辰惟決勝千里擊靈囂之
敵而建翠華之旗驅六州之兵而總九伯之伐
四方雖虞一戰以霸斬其鯨鯢既章大戮何校
滅耳莫匪茲回史不絕書府無虛月自洞庭安
波彭蠡底定文昭武穆芳若椒蘭敵國降城和
如親戚九服同謀百道俱進國恥家怨計期就
雪社稷不墜繫在聖明今也何時而申帝啓之
避凶危若此方陳泰伯之辭國有具臣誰敢奉
詔天下者高祖之天下陛下者萬國之歡心萬

國豈可無君高祖豈可廢祀即日五星夜聚八
風通吹雲煙紛郁日月光華百官象物而動軍
政不戒而備飛艦巨艦音水浮川鐵馬銀鞍陵
山跨谷英傑接踵忠勇相顧湛宗族以酬恩焚
妻子以報主莫不覆楯銜威提斧擊衆風飛電
耀志滅凶醜所待陛下昭告后土虔奉上帝廣
發明詔師出以名五行夕返六軍曉進便當盡
司寇之威窮蚩尤之伐執石趙而求壘斬姚秦
而取鍾脩掃坐陵奉近宗廟陛下豈得不仰存

國計俯從民請漢宣嗣位之後即遣蒲類之軍
光武登極既竟始有長安之捷由此言之不無
前准臣等或世受朝恩或身荷重遇同休等戚
自國刑家苟有腹心敢以死奪不任悽悽之至
謹重奉表以聞世祖答曰省示復具一二孤聞
天生蒸民而樹之以君所以對揚天休司牧黔
首括提合雒以前栗陸驪連之外書契不傳無
得稱也自阪泉彰其武功丹陵表其文德有人
民焉有杜稷焉或哥謠所歸或惟天所相孤遭

家多難大恥未雪國賊則豈尤弗翦同姓則有
扈不賓卧而思之坐以待旦何以應寶歷何以
嗣龍圖庶一戎既定罪人斯得祀夏配天方申
來議也是時巨寇尚存未欲即位而四方表勸
前後相屬乃下令曰大壯乘乾明夷垂翼璿度
亟移玉律屢從四岳頻遣勸進九棘比者表聞
譙沛未復坐陵永遠于居于處寤寐疚懷何心
何顏撫茲歸運自今表奏所由竝斷若有啟疏
可寫此令施行是日賊司空東南道大行臺劉

神茂率儀同劉歸義留異赴義奉表請降
大寶三年世祖猶稱大清六年正月甲戌世祖
下令曰軍國多虞戎旃未靜青領雖熾黔首宜
安時惟星鳥表年祥於東秩春紀宿龍歌歲取
於南畷況三農務業尚看天挑敷水四人有今
猶及落杏飛花化俗移風常在所急勸耕且戰
彌須自許豈直燕垂寒谷積黍自温寧可愴此
玄苗坐食紅粒不植穠焉領空候蟬鳴可悉深耕
穡種安堵復業無棄民力並分地利班勒州郡

咸使遵承以智武將軍南平內史王褒爲吏部
尚書二月王僧辯衆軍發自尋陽世祖馳檄告
四方曰夫剝極生災乃及龍戰師貞終吉方制
憤豕豈不以侵陽蕩薄源之者亂階定龜艱難
成之者忠義故羿澆滅於前莽卓誅於後是故
使桓文之勲復興於周代温陶之績彌盛於金
行粵若梁興五十餘載平壹寓內德惠悠長仁
育蒼生義征不服左伊右瀍咸皆仰化濁涇清
滑靡不向風建翠鳳之旗則六龍驤首擊靈鬣

之鼓則百神驚肅風牧方邵之賢衛霍辛趙之
將羽林黃頭之士獸賁緹騎之夫叱咤則風雲
興起鼓動則嵩華倒拔自桐柏以北孤竹以南
碣石之前流沙之後延頸舉踵交臂屈膝胡人
不敢牧馬秦亡不敢彎弓叶和萬邦平章百姓
十堯九舜曷足云也賊臣侯景匈奴叛臣鳴鏑
餘噍懸瓠空城本非國寶壽春畿要賞不踰月
開海陵之倉賑常平之米檄九府之費錫三官
之錢冒于貨賄不知紀極敢興逆亂梗我王幾
賊臣正德阻兵安忍日者結怨江干遠適單于
簡牘屢彰彭彭生之魂未弭聚斂無度景卿之誚
已及為獸傳翼遠相招致虔劉我生民離散我
兄弟我是以董率臯龍躬擐甲冑霜戈照日則
晨離奪暉龍騎蔽野則平原掩色信與江水同
流氣與寒風俱憤凶醜畏威委命下吏乞活淮
肥苟存徐充渙汗旣行絲綸爰被我是以班師
凱歸休牛息馬賊猶不悛遂復矢流王屋兵躔
象魏總章之觀非復聽訟之堂甘泉之宮永乖

避暑之地坐召憲司卧制朝宰矯託天命僞作
符書重增賦斂肆意哀剝生者逃竄死者暴尸
道路以自庶僚鉗口刑戮失衷爵賞由心老弱
波流士女塗炭臧獲之人五宗及賞措紳之士
三族見誅穀粟騰踴自相吞噬慄慄黔首路有
銜索之哀蠢蠢黎民家隕山之泣偃師南望
無復儲胥露寒河陽北臨或有穹廬擅帳南山
之竹未足言其愆西山之兔不足書其罪外監
陳瑩之至伏承先帝登宮車晏駕奉諱驚號

五內摧裂州寃本毒地容身景阻飢既甚民
且狼顧遂侵軼我彭蠡憑凌我郢邑竊據我江
夏掩龍襲我巴丘我是以義勇爭先忠貞盡力斬
馘兇渠不可稱筭沙同赤岸水絳河任約泥
首於安南化仁面縛於漢口子仙乞活於郢郢
希榮敗績於柴桑侯景奔竄十鼠爭穴郭默清
夷晉熙附義計窮力屈反殺後主畢原鄴郤竝
離禍患凡蔣邢茅皆伏鈇鑕是可忍也孰不可
容莫府據有上流寔惟分陝投袂荷戈志在畢

命昔周依晉鄭漢有虛奉彼惟末屬猶能如此
況聯華日月天下不賤爲臣爲子兼國兼家者
哉咸以義旗旣建宜須總一共推莫府寔用主
盟粵以不佞謬董連率遠惟國艱不遑寧處中
權後勁龔行天罰提戈蒙險隕越以之天馬千
羣長戟百萬驅音獲之志資智勇之力大楚踰
荆山淺源度彭蠡舳艫汎水以倚其南輜輶委
輸以衝其北華夷百濮羸糧影從雷震風駭直
指建業按劍而叱江水爲之倒流抽戈而揮皎

日爲之還舍方駕長驅百道俱入夷山殄谷充
原蔽野挾輞曳牛之侶拔距磔石之夫騎則逐
日追風弓則吟猿落鴈捧崑崙而壓殛傾渤海
而灌熒如駟馬之載鴻毛若奔牛之觸魯縞以
此衆戰誰能禦之脫復蜂萬若毒獸窮則鬪謂
山蓋高則四郊多壘謂地蓋遠則三千弗違如
彼怒蛙譬諸鼯鼠豈萬萬鈞無勞百溢加以日
臨黃道兵起絳宮三門旣啓五將咸發舉整整
之旗掃亭亭之氣故以臨機密運非賊所解奉

義而誅何罪不服今遣使持節大都督征東將軍開府儀同三司江州刺史尚書令長寧縣開國侯王僧辯率衆十萬直掃金陵鳴鼓聒天攢金振地朱旗夕建如赤城之霞起戈船夜動若滄海之奔流計其同惡不盈一旅君子在野小人比周何校滅耳匪朝伊夕春長狄之喉繫郵支之頸今司寇明罰負鉄所誅止侯景而已黎元何辜一無所問諸君或世樹忠貞身荷寵爵羽儀鼎族書勳王府俛眉猾豎無由自效豈不


三

梁紀五

十六

馬

下慙泉壤上愧皇天失忠與義難以自立想誠南風迺暍西顧因變立功轉禍爲福有能縛侯景及送首者封萬戶開國公絹布五萬匹有能率動義衆以應官軍保全城邑不爲賊用上賞方伯下賞剖符並裂山河以紆青紫昔由余入秦禮同卿佐日磬降漢且珥金貂必有其才何卹無位若執迷不反拒逆王師大軍一臨刑茲罔赦孟諸焚燎芝艾俱盡宣房河決玉石同沈信賞之科有如皎日黜陟之制事均白水敷布



臺灣國家圖書館, NATIONAL CENTRAL LIBRARY, TAIWAN, R.O.C.

以錫珪之功既歸有道當璧之禮允屬聖明而
優詔謙冲宵然凝邈飛龍可躋而乾父在四帝
閭云叫而閭闔未開謳謠再馳是用翹首所以
越人固執熏丹穴以求君周氏樂推踰岐山而
事主漢王不即位無以貴功臣光武不止戈豈
謂紹宗廟黃帝遊於襄城尚訪治民之道放勛
入於姑射猶使鐔俎有歸伊此儻來豈聖人所
欲帝王所應不獲已而然伏讀璽書尋諷制旨
顧懷物外未奉慈衷陛下日角龍顏之姿表於

徇齊之日彤雲素氣之瑞基於應物之初博覽
則大哉無所與名深言則曄乎昭章之觀忠爲
令德孝實動天加以英威茂略雄圖武筭指麾
則丹浦不戰顧眄則阪泉自蕩地維絕而重紐
天柱傾而更植鑿河津於孟門百川復啓補穹
儀以五石萬物再生縱陛下拂衿衣而遊廣成
登拚山而去東土羣臣安得仰訴北庶何所歸
仁況郊祀配天壘籥禮曠齊宮清廟匏竹不陳
仰望靈輿匪朝伊夕瞻言法駕載渴且飢豈可

久稽衆議有曠彝則舊郊既復函雒已平高
奴櫟陽宮館雖毀濁河清渭佳氣猶存臯門有
伉甘泉四敞土圭測景仙人承露斯蓋九州之
赤縣六合之樞機博士捧圖書而稍還太常定
禮儀而已列豈得不揚清駕而赴名都具王鑿
而遊正寢昔東周既遷鎬京遂其不復長安一
亂邾洛永以爲居夏后以萬國朝諸侯文王以
六州匡天下跡基百里劔杖三尺以殘楚之地
抗拒九戎一旅之師翦滅三叛坦然大定御輦

東歸解五牛於冀州秣六馬於譙郡緬求前古
其可得歟對揚天命何所讓德有理存焉敢重
所奏相國答曰省表復具一二羣公卿士億兆夷
人咸以皇天睠命歸運所屬用集寶位于予一
人文叔金吾之官事均往願孟德征西之位且
符前說今淮海長鯨雖云授首襄陽短狐未全
革面太平玉燭爾乃議之辛卯宣猛將軍朱買
臣密害豫章嗣王棟及其二弟橋穆世祖志也
四月乙巳益州刺史新除假黃鉞太尉武陵王

紀竊位於蜀改號天正元年世祖遣兼司空蕭
太祠部尚書樂子雲拜謁瑩陵脩復社廟丁巳
世祖令曰軍容不入國國容不入軍雖子產獻
捷戎服從事亞夫弗拜義止將兵今凶醜殲夷
逆徒殄潰九有旣截四海又安漢官威儀方陳
盛禮衛多君子寄是式瞻便可解嚴以時宣勒
是月以東陽太守張彪爲安東將軍五月庚午
司空南平王恪及宗室王侯大都督王僧辯等
復拜表上尊號世祖猶固讓不受庚辰以征南

將軍湘州刺史司空南平嗣王恪爲鎮東將軍
揚州刺史餘如故申申以尚書令征東將軍開
府儀同三司江州刺史王僧辯爲司徒鎮衛將
軍乙酉斬賊左僕射王偉尚書呂季略少卿周
石珍舍人嚴宣於江陵市是日世祖令曰君子
赦過箬在周經聖人解網聞之湯令自檢狃孔
熾長虵荐食赤縣沾危黔黎塗炭終宵不寐志
在雪恥元惡稽誅本屬侯景王偉是其心膂周
石珍負背恩義今並烹諸鼎鑊肆之市朝但比

屯遭寇擾爲歲已積衣冠舊貴被逼偷生猛
士勳豪和光苟免凡諸惡侶諒非一族今特聞
以王澤削以刑書自太清六年五月二十日昧
爽以前咸使惟新是月魏遣太師潘洛辛等寇
秦郡王僧辯遣杜弼帥衆拒之以陳霸先爲征
正大將軍開府儀同三司南徐州刺史是月魏
遣使賀平侯景八月蕭紀率巴蜀大衆連舟東
下遣護軍陸法和屯巴峽以拒之兼通直散騎
常侍聘魏使徐陵於鄴奉表曰臣聞封唐有聖

還承帝學之家居代惟賢終纂高皇之祚無
爲稱於革絜至治表於垂衣而撥亂反正非間
前古至如金行重作源出東莞炎運猶昌枝分
南頓豈得掩顯姓於軒轅非才子於顓頊莫不
時因多難俱繼神宗者也伏惟陛下出震等於
勛華明讓同於旦奭握圖執鉞將在御天王勝
珠衡先彰元后神祇所命非惟太室之祥圖畫
斯歸何止堯門之瑞若夫大孝聖人之心中庸
君子之德固以作訓生民貽風多士一日二日

研覽萬機允文允武包羅羣藝擬茲三大賓是
四門歷試諸難咸熙庶績斯無得而稱也自無
妄興暴皇祚寢微封豨脩蛇行災中國靈心所
宅下武其興望紫極而長號瞻丹陵而殞慟家
寃將報天賜黃鳥之旗國害宜誅神奉玄狐之
錄滕公擁樹雄氣方嚴張繡交兵風神彌勇忠
誠冠於日月孝義感於冰霜如霆如雷如貔如
獸前驅効命元惡斯殲旣挂瞻於西州方燃臍
於東市蚩尤三豕寧謂嚴誅王莽千劓非云明

三百廿

梁紀五

二十二

卷

罰青羌赤狄同界豺狼胡服夷言咸爲京觀邦
畿濟濟還見隆平宗廟愔愔方承多福自氤氳
渾沌之世驪連粟陸之君封起龍圖文因鳥跡
雲師火帝非無戰陣之風堯誓湯征咸用干戈
之道星躔東井時破峭潼雷震南陽初平尋邑
未有援三靈之已墜救四海之羣飛赫赫明明
龔行天罰莫如當今之盛者也於是卿雲似蓋
晨映姚姬甘露如珠朝華景寢芝房感德咸出
銅池萸萸伺辰無勞銀箭重以東漸玄兔西踰

白狼高柳生風扶桑盛日莫不編名屬國歸質
鴻臚荒服來賓遐邇同福其文昭武穆附夢也
如彼天平地成功業也如此又應旁求掌固諮
詢天官斟酌繁昌經營高邑宋王啓霸非勞陽
武之侯清蹕無虞何事長安之邸正應揚鑿旂
以饗帝仰鳳宸以承天歷數在躬疇與爲讓去
月二十日兼散騎常侍柳暉等至鄴伏承聖旨
謙沖爲而弗宰或云涇陽未復函谷無泥旋駕
金陵方膺天眷愚謂大庭少昊非有定居漢祖

殷宗皆無恒宅登封岱岳猶置明堂巡狩章陵
時行司隸何必西瞻虎據乃建王宮南望牛頭
方稱天闕抑又聞之玄圭旣錫蒼玉無陳乃棧
樸之愆期非苞茅之不貢雲和之瑟久廢甘泉
孤竹之管無聞方澤豈不懼歟伏願陛下因百
姓之心拯萬邦之命豈可逡巡固讓方求石戶
之農高謝君臨徒引箕山之客未知上德之不
德惟見聖人之不仁率土翹翹蒼生何望昔蘇
季張儀違鄉負俗尚復招三方以事趙請六國

以尊秦況臣等顯奉皇華親承朝命珪璋特達
通聘河陽貂珥雍容尋盟漳水加牢貶館隨勢
汗隆瞻望鄉關誠均休戚但輕生不造命與時
乖忝一介之行人同三危之遠擯承間內殿事
絕耿弇之恩封奏邊城私等劉琨之哭不勝區
區之至謹拜表以聞九月甲戌司空鎮東將軍
揚州刺史南平王恪薨冬十月乙未前梁州刺
史蕭循自魏至于江陵以循為平北將軍開府
儀同三司戊申執湘州刺史王琳於殿內琳副
將殷晏下獄死辛酉以子方略為湘州刺史庚
戌林州長史陸納及其將潘烏累等舉兵反襲
陷湘州是月四方征鎮王公卿士復勸世祖即
尊號猶謙讓未許表三上乃從之

承聖元年冬十一月景子世祖即皇帝位於江
陵詔曰夫樹之以君司牧黔首帝堯之心豈貴
黃屋誠弗獲已而臨蒞之朕皇祖太祖文皇帝
積德岐梁化行江漢道映在田具瞻斯屬皇考
高祖武皇帝明竝日月功格區宇應天從民惟

睿作聖太宗簡文皇帝地侔啓誦方符文景羯
寇憑凌時難孔棘朕大拯橫流克復宗社羣公
卿士百辟庶僚咸以皇靈睽命歸運斯及天命
不可以久淹宸極不可以久曠粵若前載憲章
令範畏天之威筭隆寶歷用集神器于予一人
昔虞夏商周年無嘉號漢魏晉宋因循以久朕
雖云撥亂且非創業思得上繫宗祧下惠億兆
可改太清六年爲承聖元年逋租宿責竝許弘
貸孝子義孫可悉賜爵長徒鑠士特加原宥禁

錮奪勞一皆曠蕩是日世祖不升正殿公卿陪列
而已丁丑以平北將軍開府儀同三司蕭循
爲驃騎將軍湘州刺史餘如故己卯立王太子方
矩爲皇太子改名元良立王子方智爲晉安郡
王方略爲始安郡王追尊所生妣阮脩容爲文
宣太后是月陸納遣將潘烏累等攻破衡州刺
史丁道貴於淶口道貴走零陵十二月壬子陸
納分兵襲巴陵湘州刺史蕭循擊破之是月營
州刺史李洪雅自零陵率衆出空雲灘將下討

納納遣將吳藏等襲破洪雅洪雅退守空雲城
二年春正月乙丑詔王僧辯率衆軍士討陸納
戊寅以吏部尚書王褒爲尚書左僕射劉毅爲
吏部尚書西魏遣大將尉遲迥襲益州二月庚午
詔曰食乃民天農爲治本垂之千載貽諸百王
莫不敬授民時躬耕帝藉是以稼穡爲寶周頌
嘉其樂章未麥不成魯史書其方冊秦人有農
力之科漢氏開屯田之利頃歲屯否多難荐臻
干戈不戢我則未暇廣田之令無聞於郡國載
師之職有陋於官方今元惡殄殲海內方一其
大庇黔首庶拯橫流一厘曠務勞心日仄一夫
廢業烏鹵無遺國富刑清家給民足其力田之
身在所蠲免外即宣勒稱朕意焉辛未李洪雅
以空雲城降賊賊執之而歸初丁道貴走零陵
投洪雅洪雅使收餘衆與之俱降洪雅既降賊
賊乃害道貴景子賊將吳藏等帥兵據車輪庚
寅有兩龍見湘州西江夏四月景申僧辯軍次
車輪五月甲子衆軍攻賊大破之乙丑僧辯軍

至長沙甲戌尉遲迥進逼巴西潼州刺史楊虔
運以城降納迥己丑蕭紀軍至西陵六月乙酉
湘州平是月尉遲迥圍益州秋七月辛未巴人
苻昇徐子初斬賊城主公孫晃舉城來降紀衆
大潰遇兵死乙未王僧辯班師江陵詔諸軍各
還所鎮八月戊戌尉遲迥陷益州庚子詔曰夫
爰始居毫不廢先王之都受命于周無改舊邦
之頌頃戎旃旣息關柝無警去魯興歎有感宵
分過沛殞涕寔勞夕寐仍以瀟湘作亂庸蜀阻

兵命將授律指期克定今八表又清四郊無壘
宜從青蓋之興言歸白水之鄉江湘委輸方船
連舳巴峽舟艦精甲百萬先次建鄴行實京師
然後六軍遙征九旂揚旆拜謁瑩陵脩復宗社
主者詳依舊典以時宣勒九月庚午司徒王僧
辯旋鎮景子以護軍將軍陸法和爲郢州刺史
乙酉以晉安王諱爲江州刺史是月魏遣鄭元
達治舟師於合肥又遣大將邢杲遠步六汗薩
東方老率衆會之冬十一月辛酉僧辯次于

姑孰即留鎮焉遣豫州刺史侯瑱據東關吳興太守裴之橫帥眾繼之戊戌以尚書右僕射王褒為尚書左僕射湘東太守張綰為尚書右僕射十二月宿預土民東方光據城歸化魏江西州郡皆起兵應之

三年春正月甲午加南豫州刺史侯瑱征北將軍安東開府儀同三司陳霸先帥眾攻廣陵城秦州刺史嚴超達自秦郡圍涇州侯瑱張彪出石梁為其聲援辛丑陳霸先遣晉陵太守杜僧

明率眾助東方光三月甲辰以司徒王僧辯為太尉車騎將軍丁未魏遣將王球率眾七百攻宿預杜僧明逆擊大破之戊申以護軍將軍郢州刺史陸法和為司徒夏四月癸酉以征北大將軍開府儀同三司陳霸先為司空六月壬午魏復遣將步六汗薩率眾救涇州癸未有黑氣如龍見于殿內秋七月甲辰以都官尚書宗慄為吏部尚書九月辛卯世祖於龍光殿述老子義尚書左僕射王褒為執經乙巳魏遣其柱國

苻紹于謹率大衆來寇冬十月景宗魏靈立子襄陽蕭登率衆會之丁卯停講內外戒嚴與駕出行都柵是日大風拔木景子徵王僧辯等軍十一月以領軍胡僧祐都督城東城北諸軍事右僕射張綰為副左僕射王褒都督城西城南諸軍事直殿省元景亮為副王公卿士各有守備景戌世祖遍行都柵皇太子巡行城樓使居民助運水石諸要害所並增兵備丁卯魏軍至柵下景申徵廣州刺史王琳入援丁酉大風城內火以胡僧祐為開府儀同三司舊州刺史裴畿為領軍將軍庚子信州刺史徐世譜晉安王司馬任約軍次馬頭岸戊申胡僧祐朱買臣等率兵出戰買臣敗績己酉降左僕射王褒為護軍將軍辛卯魏軍大攻世祖出枇杷門親臨陣督戰胡僧祐中流矢薨六軍敗績反者斬西門關以納魏師城陷于西魏世祖見執如蕭靈營又遷還城內十二月景辰徐世譜任約退戎巴陵辛未西魏害世祖遂崩焉時年四十七太子

元良始安王方略皆見害乃選百姓男女數萬口分爲奴婢驅入長安小弱者皆殺之明年四月追尊爲孝元皇帝廟曰世祖世祖聰悟俊朗天才英發年五歲高祖問汝讀何書對曰能誦曲禮高祖曰汝試言之即誦上篇左右莫不驚歎初生患眼高祖自下意治之遂盲一目彌加愍愛既長好學博總羣書下筆成章出言爲論才辯敏速冠絕一時高祖嘗問曰孫策昔在江東于時年幾艾呂十七高祖曰正是汝年賀革爲府諮議救革講三禮世祖性不好聲色頗有高名與裴子野劉顯蕭子雲張纘及當時才秀爲布衣之交著述辭章多行於世在尋陽夢爰曰天下將亂王必維之又背生黑子巫媪見曰此大貴非常不可言初賀革西上意甚不悅過別御史中丞江革以情告之革曰吾嘗夢主上遍見諸子至湘東王手脫帽授之此人後必當璧卿其行乎革從之及太清之難乃能克復故遐邇樂推遂膺寶命矣所著孝法傳三十卷

忠臣傳三十卷丹陽尹傳十卷注漢書一百一十五卷周易講疏十卷內典博要一百卷連山三十卷洞林三卷玉韜十卷補闕子十卷老子講疏四卷全德志懷舊志荆南志江州記貢職圖古今同姓名錄一卷筮經十二卷式贊三卷文集五十卷

史臣曰梁季之禍巨寇憑壘世祖時位長連率有全楚之資應身率羣后枕戈先路虛張外接事異勤王在於行師曾非百舍後方殲夷大慙

三十一

梁紀五

三十一

馬

用寧宗社握圖南面光啓中興亦世祖雄才英略紹茲寶運者也而稟性猜忌不隔疎近御下無術履冰弗懼故鳳闕伺晨之功少無內照之美以世祖之神睿特達留情政道不怵邪說徒蹕金陵左隣彊寇將何以作是以天未悔禍湯覆斯生悲夫

紀第五

梁書五

元帝紀云召兵於湘州湘州刺史河東王譽
不遣遣世子方等帥衆討譽戰所敗死方等傳
云至麻溪軍敗溺死譽傳云遣世子方等征之
反爲譽所敗死疑紀闕誤

紀第六

梁五言六

散騎常侍姚

思廉

撰

敬帝

敬皇帝諱方智字慧相小字法真世祖第九子也太清三年封興梁侯承聖元年封晉安王邑二千戶二年出為平南將軍江州刺史三年十一月江陵陷太尉揚州刺史王僧辯司空南徐州刺史陳霸先定議以帝為太宰承制奉迎還京師四年二月癸丑至自尋陽入居朝堂以太

本紀六

卷三

尉王僧辯為中書監錄尚書驃騎將軍都督中外諸軍事加司空陳霸先班劍三十人以豫州刺史侯瑱為江州刺史儀同三司湘州刺史蕭循為太尉儀同三司廣州刺史蕭勃為司徒鎮東將軍張彪為郢州刺史三月齊遣其上黨王高渙送旨陽侯蕭深明來主梁嗣至東關遣吳興太守裴之橫與戰敗績之橫死太尉王僧辯率眾出姑熟四月司徒陸法和以郢州附于齊遣江州刺史侯瑱討之七月辛丑王僧辯納

貞陽侯其深明自採石濟江甲辰入于京師以
帝爲皇太子九月甲辰司空陳霸先舉義襲殺
王僧辯黜肅深明景午帝即皇帝位

紹泰元年冬十月己巳詔曰王室不造嬰罹禍
釁西都失守朝廷淪覆先帝梓宮播越非所王
基傾弛率土罔戴朕以荒幼仍屬艱難泣血枕
戈志復讎逆大恥未雪夙宵鯁憤羣公卿尹勉
以大義越登寡闇嗣奉洪業顧惟夙心念不至
此庶仰憑先靈傍資將相克清元惡謝冤陵寢

三石廿六

卷之六

二

三

今墜命載新宗禘更祀慶流億兆豈予一人可
改承聖四年爲紹泰元年大赦天下内外文武
賜位一等以貞陽侯深明爲司徒封建安郡公
食邑三千戶壬子以司空陳霸先爲尚書令都
督中外諸軍事車騎將軍揚南徐二州刺史司
空如故震州刺史杜龕舉兵攻信武將軍陳禧
於長城義興太守韋載據郡以應之癸丑進太
尉蕭循爲太保新除司徒建安公深明爲太傅
司徒蕭勃爲太尉以鎮南將軍王琳爲車騎將

軍開河後同三司戊午尊所生夏貴妃爲皇后
后立妃王氏爲皇后能西將軍揚州刺史張彰
進號征東大將軍鎮北將軍詵秦二州刺史徐
嗣徽追號征北大將軍征南將軍南豫州刺史
任約追號征南大將軍辛未詔司空陳霸先東
討豈載景子任約徐嗣徽舉兵反乘京師無備
竊據石頭丁丑帝載降義興平遣晉陵太守周
文育率軍援長城十一月庚辰齊安州刺史翟
子崇楚州刺史劉仁榮淮州刺史柳達摩率衆
赴任約入于石頭庚寅司空陳霸先旋于京師
十二月庚戌徐嗣徽任約又相率至採石迎齊
援景辰遣猛烈將軍侯安都水軍於江寧邀之
賊衆大潰嗣徽約等奔于江西庚申翟子崇等
請降並放還北

太平元年春正月戊寅大赦天下其與任約徐
嗣徽叶契同謀一無所問追贈簡文皇帝諸子
以故永安侯確子後襲封邵陵王奉攜王後突
大鎮東將軍震州刺史杜龕降詔賜死曲赦

郡已亥以太保宜豐侯蕭循襲封鄱陽王東
揚州刺史張彪圍臨海太守王懷振於剡巖二
月庚戌遣周文育陳蒨襲會稽討彪癸丑彪長
史謝岐司馬沈泰軍主吳寶具等舉城降彪敗
定以中衛將軍臨川王大款即本號開府儀同
三司中護軍桂陽王大成為護軍將軍景辰若
耶村人斬張彪傳首京師曲赦東揚州己未罷
震州還復吳興郡癸亥賊徐嗣徽任約襲採石
戍執戍主明州刺史張懷鈞入于齊甲子以東
土經杜龕張彪抄暴遣大使巡省三月景子罷
東揚州還復會稽郡壬午班下遠近泣雜用古
今錢戌戌齊遣大將蕭軌出柵口向梁山司空
陳霸先軍主黃叢逆擊大破之軌退保蕪湖遣
周文育戍安都衆軍據梁山拒之夏四月丁巳
司空陳霸先表詣梁山撫巡將帥壬午戍安都
輕兵襲齊行臺司馬恭於歷陽大破之俘獲萬
計五月癸未太傅建安公深明薨庚寅齊軍水
步入丹陽縣景申至秣陵故治敕周文育還頓

方丘徐度頓馬牧杜稜頓大桁癸卯齊軍進據
兒塘輿駕出頓趙建故離門內外纂嚴六月甲
辰齊潛軍至蔣山龍尾斜趨莫府山北至玄武
廟西北乙卯司空陳霸先授眾軍節度與齊軍
交戰大破之斬齊北兗州刺史杜方慶及徐嗣
徽弟嗣宗生擒徐嗣產蕭軌東方老王敬寶李
希光裴英起劉歸義等皆誅之戊午大赦天下
軍士身殞戰場悉遣斂祭其無家屬即為瘞埋
辛酉解嚴秋七月景子車騎將軍司空陳霸先

三百廿八

梁紀六

五

朱

進位司徒加中書監餘如故丁亥以開府儀同
三司侯瑱為司空八月己酉太保鄱陽王循薨
九月壬寅改元大赦孝悌力田賜爵一級殊才
異行所在奏聞飢難流移勒歸本土進新除司
徒陳霸先為丞相錄尚書事鎮衛大將軍揚州
牧封義興郡公中權將軍王冲即本號開府儀
同三司吏部尚書王通為尚書右僕射丁巳以
郢州刺史徐度為領軍將軍冬十一月乙卯起
雲龍神獸門十二月壬申進太尉鎮南將軍蕭

勃爲太保驃騎將軍以新除左衛將軍歐陽頌
爲安南將軍衡州刺史壬午平南將軍劉法瑜
進號安南將軍甲午以前昌令劉叡爲汝陰王
前鎮西法曹行參軍蕭統爲巴陵王奉宋齊二
代後

二年春正月壬寅詔曰天子降靈體詰經仁緯
義允光素王載闡玄功仰之者彌高誨之者不
倦立忠立孝德被蒸民制禮作樂道冠羣后雖
泰山頽峻一篲不遺而泗水餘瀾千載猶在自

三十一

宋紀六

六

朱

國圖屯阻祧薦不脩奉聖之門胤嗣殲滅敬神
之寢篋篋寂寥永言聲烈寔兼欽愴外可搜舉
魯國之族以爲奉聖後并繕廟堂供備祀典四
時薦秩一皆遵舊是日又詔諸州各置中正依
舊訪舉不得輒承單狀序官皆須中正押上然
後量授詳依品制務使精實其荆雍青兗雖暫
爲隔閔衣冠多寓淮海猶宜不廢司存會計罷
州尚爲大郡人士殷曠可別置邑居至如分割
郡縣新號州牧竝係本邑不勞兼置其選中正

每求者德該悉以他官領之以車騎將軍開府儀同三司王琳為司空驃騎大將軍分尋陽太原齊昌高唐新蔡五郡置西江州即於尋陽仍充州鎮又詔宗室在朝開國承家者今猶稱世子可悉聽襲本爵以尚書右僕射王通為尚書左僕射丁巳鎮西將軍益州刺史長沙王韶進號征南將軍二月庚午領軍將軍徐度入東關太保廣州刺史蕭勃舉兵反遣偽帥歐陽頎傳泰勃從子孜為前軍南江州刺史余孝頃以兵

會之詔平西將軍周文育平南將軍侯安都等率眾軍南討戊子徐度至合肥燒齊船三千艘癸巳周文育軍於巴山生獲歐陽頎三月庚子文育前軍丁法洪於蹠口生俘傅泰蕭孜余孝頃軍退走甲辰以新除司空王琳為湘郢二州刺史甲寅德州刺史陳法武前衡州刺史譚世遠於始興攻殺蕭勃夏四月癸酉曲赦江廣衡三州并督內為賊所拘逼者竝皆不問巳卯鑄四柱錢一准二十齊遣使請和壬辰改四柱錢

一准十景申復閉細錢蕭勃故主帥前直閭蘭
鼓襲殺譚世遠鼓仍為亡命夏侯明微所殺勃
故記室李寶藏奉懷安侯蕭任據廣州作亂戊
戌侯安都進軍余孝頃棄軍走蕭孜請降豫章
平五月乙巳平西將軍周文育進號鎮南將軍
侯安都進號鎮北將軍竝以本號開府儀同三
司景午以鎮軍將軍徐度為南豫州刺史戊辰
余孝頃遣使詣丞相府乞降秋八月甲午加丞
相陳霸先黃鉞領太傅劔履上殿入朝不趨贊

梁紀六

休茂叔

拜不名給羽葆鼓吹九月辛丑崇丞相為相國
摠百揆封十郡為陳公備九錫之禮加璽紱遠
遊冠位在王公上加相國綠綬綬置陳國百司
冬十月戊辰進陳公爵為王增封十郡并前為
二十郡命陳王冕十有二旒建天子旌旗出警
入蹕乘金根車駕六馬備五時副車置旌頭雲
罕樂舞八佾設鍾虞宮縣王后王子女爵命之
典一依舊儀辛未詔曰五運更始三正迭代司
牧黎庶是屬聖賢用能經緯乾坤彌綸區宇大

庇黔首闡揚洪烈革晦以明積代同軌百王踵
武成此由則梁德湮微禍難荐發太清云始用
困長蛇承聖之年又罹封豕爰至天成重竊神
器三光亟改七廟之祀含生已泯鼎命斯墜我
皇之祚眇若綴旒靜惟屯剝夕惕載懷相國陳
王有縱自天降神惟嶽天地合德晷曜齊明杼
社稷之橫流提億兆之塗炭東誅叛逆北殲獯
醜威加四海仁漸萬國復張崩樂重紀絕禮儒
館聿脩戎亭虛侯雖大功在舜盛績維禹魏魏

蕩蕩無得而稱來獻白環豈直皇虞之世入貢
素雉非止隆周之日故効珍川陸表瑞煙雲玉
露醴泉旦夕凝涌嘉禾瑞草孳植郊甸道昭於
悠代勲格於皇穹明明上天光華日月革故著
於玄象代德彰於識圖獄訟有違謳譟爰適天
之歷數寔有攸在朕雖庸菲聞於古昔永稽崇
替爲日已久敢忘烈代之至願乎今便遜位別
宮敬禪于陳一依唐虞宋齊故事陳王踐祚奉
帝爲江陰王薨于外邸時年十六追謚敬皇帝

史臣曰梁季橫潰喪亂虞臻當此之時天歷去矣敬皇高讓將同釋負焉

史臣侍中鄭國公魏徵曰高祖曰天條縱聰明稽古道亞生知學為博物允文允武多藝多才爰自諸生有不羈之度屬昏凶肆虐天倫及禍收合義旅將雲家冤曰討可伐不期而會龍躍樊漢電擊湘郢剪翦離德如振槁取獨夫如拾遺其雄才大略固無得而稱矣既懸白旗之首方應皇天之睠布德施惠悅近來遠開蕩蕩之王

三五廿

梁紀六

十

丘纂之

道革靡靡之商俗大修文教盛飾禮容鼓扇玄風闡揚儒業介胄仁義折衝樽俎聲振寰宇澤流遐裔干戈載戢凡數十年濟濟焉洋洋焉魏晉已來未有若斯之盛然不能息末敦本斲彫為樸慕名好事崇尚浮華抑揚孔墨流連釋老或經夜不寢或終日不食非弘道以利物惟飾智以驚愚且心未遺榮虛廁蒼頭之伍高談脫屣終戀黃屋之尊夫人之大欲在乎飲食男女至於軒冕殿堂非有切身之急高祖屏除嗜慾

眷戀軒冕得其所難而滯於所易可謂神有所
不達智有所不通矣逮夫精華稍竭鳳德已衰
惑於聽受權在姦佞儲后百辟莫得盡言險躁
之心暮年愈甚見利而動懷諫違卜開門揖盜
棄好即讎釁起蕭牆禍成戎羯身殞非命災被
億兆衣冠斃鋒鏑之下老幼粉戎馬之足瞻彼
黍離痛深周廟永言麥秀悲甚殷墟自古以安
爲危旣成而敗顛覆之速書契所未聞也易曰
天之所助者信人之所助者順高祖之遇斯屯

剥不得其死蓋動而之險不由信順失天人之
所助其能免於此乎太宗聰睿過人神彩秀發
多聞博達富瞻詞藻然文豔用寡華而不實體
窮淫麗義罕疏通哀思之音遂移風俗以此而
貞萬國異乎周誦漢莊矣我生不辰載離多難
桀逆構扇巨猾滔天始自牖星之拘終類望夷
之禍悠悠蒼天其可問哉昔曰步初屯兵纏魏
闕羣后釋位投袂勤王元帝以盤石之宗受分
陝之位屬君親之難居連率之長不能撫劍嘗

膽枕戈泣血躬先士卒致命前驅遂反擁衆後
巡內懷觖望坐觀時變以爲身幸不忿莽卓之
誅先行昆弟之戮又沈猜忌酷多行無禮騁智
辯以飾非肆忿戾以害物爪牙重將心膂謀臣
或顧眄以就拘囚或一言而及菹醢朝之君子
相顧慄然自謂安若太山舉無遺策怵於邪說
即安荆楚雖元惡克翦社稷未寧而西隣責言
禍敗旋及上天降鑒此焉假手天道人事其可
誣乎其篤志藝文採浮淫而棄忠信戎昭果毅
二万五千三

梁紀六

十二

卷

先骨肉而後寇讎雖口誦六經心通百氏有仲
尼之才適足以益其驕矜增其禍患何補金陵
之覆沒何救江陵之滅亡哉敬帝遭家不造紹
茲屯運征伐有所同出政刑不由於已時無伊
霍之輔焉得不爲高讓歟

紀第六

梁書六



梁書

列傳

十五之四

臺灣國家圖書館, NATIONAL CENTRAL LIBRARY, TAIWAN, R.O.C.

列傳第五

梁書十一

散騎常侍姚

思廉

撰

張弘策

虞城

鄭紹叔

呂僧珍

張弘策字真簡范陽方城人文獻皇后之從父弟也幼以孝聞母嘗有疾五日不食弘策亦不食母彊為進粥乃食母所餘遭母憂三年不食鹽菜幾至滅性兄弟友愛不忍暫離雖各有

梁書

楊

室常同卧起世比之姜肱兄弟起家齊邵陵王國常侍遷奉朝請西中郎江夏王行參軍弘策與高祖年相輩幼見親狎恒隨高祖遊處每入室常覺有雲煙氣體輒肅然弘策由此特敬高祖建武末弘策從高祖宿酒酣徙席星下語及時事弘策因問高祖曰緯象去何國家故當無恙高祖曰其可言乎弘策因曰請言其非高祖曰漢北有失地氣浙東有急兵祥今冬初魏必動若動則亡漢北帝今久疾多異議萬一伺

鬻稽部且乘機而作是亦無成徒自驅除耳明年都邑有亂死人過於亂麻齊之歷數自茲亡矣梁楚漢當有英雄與弘策曰英雄今何在為已富貴為在草茅高祖笑曰光武有云安知非僕弘策起曰今夜之言是天意也請定君臣之分高祖曰舅欲效鄧晨乎是冬魏軍寇新野高祖將兵為援且受密旨仍代曹武為雍州弘策聞之心喜謂高祖曰夜中之言獨當驗矣高祖笑曰且勿多言弘策從高祖西行仍參帷幄身

親勞役不憚辛苦五年秋明帝崩遺詔以高祖為雍州刺史乃表弘策為錄事參軍帶襄陽令高祖觀海內方亂有匡濟之心密為儲備謀猷所及惟弘策而已時長沙宣武王罷益州還仍為西中郎長史行郢州事高祖使弘策到陳許於宣武王語在高祖紀弘策因說王曰昔周室既衰諸侯力爭齊桓蓋中人耳遂能一匡六合民至于今稱之齊德告微四海方亂蒼生之命會應有主以郢州居中流之要雍部有戎馬